

فريق التفريغ بموقع الطريق إلى الله

يقدم

مادة التفسير بالمعهد القرآني الدعوي

الفرقة الثانية

(باللهجة المصرية)

لفضيلة الشيخ: د. حازم شومان

رابط المادة:



طيب أخواتنا ربنا يبارك فيكم الحمد لله وكفي وصلاة وسلام علي عباده الذين اصطفى للأسف برضه مش عارف موضوع الدخول علي الغرفة بقالنا عشر دقائق بنحاول ندخل علي الغرفة معلى يا جماعة عرفوا أخواتكم اللي مش معانا دلوقتي شيخ محمد ربنا يحفظك ويبارك فيك أخواتنا الكريمات ربنا يحفظكن ويبارك فيكم النهاردة باذن الله سبحانه وتعالى اللقاء الاول في سورة التكوير, في سورة ايه يا جماعة؟ في مدارس سورة التكوير مطبوط كدة إن شاء الله باذن الله (طيب في مدارس سورة التكوير وصلني مجموعة من المدرسات بتاعتكم مش عارف في مجموعة تانية لم تصل معايا ام خديجة والاء نجم وأمينه عطية وإسراء عبد التواب وأم الدحداح وأم مصعب وذات النقاب الأسود وروعة القرآن وسمر أسامة وفخورة بنقابي وقدوتي أم المؤمنين خديجة وياسمين مجدي ده الحاجات اللي معايا حد منكم قدم حاجة تاني؟

في حد بعت حاجة تانية طيب في حد بعت؟ امال بقي موصلنيش لسة ادارة المعهد مجبتش عندي الحاجات اللي ناقصه دي اخواتنا اللي داخلين باسم جيست يغيروا اسمائهم00 في حاجات منكم موصلتس تعالوا بقي نناقش الحاجات اللي وصلت واحدة واحدة بسم الله الرحمن الرحيم اختنا اسراء عبد التواب الترتيب بتاعها تقريبا زي اللي انا ناقشته بذاكر من المذكرات بتاعتها خلاص انا موصلنيش حاجة تانية اختنا اسراء عبد التواب كتبت المصادر القرطبي والطبري والتحرير والتنوير وعمدة التفاسير وزاد المسير وتفسير الشيخ مصطفى العدوي ست مصادر للمدارسات طبعا يا جماعة مستوي المدارس بتاعتكوا عالي بفضل الله0 بدأت اسراء بذكر المصادر ثم معاني الآيات جابت معني واحد لكل آية وده الكلام اللي انا كنت عايزه انك انتي تجيبي معني واحد إختيار بين المعاني مش قضية الترجيح بين المعاني دي قضية تانية خالص دي علوم كبيرة وعميقة انتي جبتي المعني اللي لاقيتي شاهد عليه او لاقيتي شواهد لغوية أو شواهد من أحاديث أو آيات ان المعني ده وقع في صدرك انتي واخده بالك معايا دلوقتي هنبدا نشوف دلوقتي المعاني كلها وازاي نستخدم المعاني كلها في الاسقاط علي الواقع واستخراج مقاصد من المعاني ايوه ده نسميه القدرة علي استخراج المعاني المذكوره مش معناه انك بترجي معني علي معاني , لأ انتي اختارتي ايه؟ ايه اكثر معني وقع في صدرك وشايفه انه فادك في حياتك وتقدري تستخلصي منه في ايمانك ودعوتك0

(إِذَا الشَّمْسُ كُوِّرَتْ) اسراء اختارت منها تفسير الطبري ودي حاجه جميله جدا ان في كذا اخت كاتبه انها جابت الكلام دا من أي تفسير ودي حاجه رائعة, اسراء هنا اختارت (وَإِذَا النُّجُومُ انكَدَرَتْ) كاتبه ان القرطبي يقول انقضت كما تنقض العقاب اذا انكسرت زي ما النسر ينقض علي فريسته كدة , اللي عجبني في اسراء ان المفسرين عبروا عن المعاني دي بحاجات كتير فهيا اختارت معني قوي او كلمة قوي تقدر انها تفرع منها حاجات دعوية زي محمد امين بيقول يعني حاجات جميلة انكدر القوم علي القوم هيا بقا جاييه مش انكدر القوم لا جاييه انقض العقاب اللي هوا النسر او الصقر وهو ينقض علي

الفريسة مشهد جميل وقوي , (**وَإِذَا الْجِبَالُ سُيِّرَتْ**) أي قلعت من الأرض وسيرت في الهواء حاجات جميله

(**وَإِذَا الْوُحُوشُ حُشِرَتْ**) أيحشرها في مكان واحد عند اقتراب فناء العالم؟ هيا هنا حددت زمن حدوث الآيات علي ان دا قبل يوم القيامة مش في يوم القيامة 0

خدوا بالكوا ياجماعه المفسرين مختلفين في كل آيات القيامة تقريبا وخصوصا آيات البعث الشمس هيحصل لها ايه؟ والجبال هيحصل لها ايه؟ والسماء هيحصل لها ايه؟ المفسرين مختلفين هنا هو الكلام ده قبل فناء العالم قبل قيام القيامة يعني البشر لسة ماشين علي وجه الارض؟ ولا الكلام دا بعد ما الناس بتموت وساعة ما الناس بتبعث؟ من الآخر المشاهد دي هي اللي الناس هتموت عليها ولا هي اللي الناس هتصحى عليها؟ علشان كدة مهم جدا انه يكون معلوم زمن حدوث الآيات, في آيات القيامة والبعث لازم تتحط في الأول الآيات دي هتحصل امتي؟ قتلوكوا وانتوا بتتدارسوا آيات القيامة لازم تاخدوا بالكم كويس جدا ان الايات دي بتحصل امتي؟ هيا دي والناس بتموت ولا والناس بتصحى فاهمين معايا واخدين بالكم معايا من المعني؟ يعني (**وَإِذَا الْوُحُوشُ حُشِرَتْ**) دي والناس بتموت ولا والناس بتصحى يوم القيامة والوحوش نفسها بتبعث؟ فتحقيق الزمن بتاع حدوث الايات بيبقي مهم جدا هنا زي ما علمتوكوا في آيات القيامة الايات دي هتحصل في الارض ولا في البعث ولا في الحشر ولا في الميزان ولا علي الصراط ولا امتي؟ بيبقي في عندنا نوعين من الايات مهم جدا نحدد فيهم زمن حدوث الآيات انا هنا قلت لكم احنا بنتعلم كيفية التعامل مع التفاسير, بيبقي في عندنا نوعين من الآيات اللي مهم جدا نحدد فيهم زمن حدوث الآيات غير زمن نزول الآيات حد يقدر يقولي ايه النوعين اللي من أنواع الآيات اللي مهم جدا نفهمهم علشان نقدر نحدد زمن حدوث الآيات؟

آيات البعث ويوم القيامة زي ما محمد أمين قالنا آيات القيامة عموما آيات الدار الآخرة زمن حدوث الآيه ايه؟ ياتري قبل قيام القيامة ولا والناس بتموت ولا ساعة البعث والناس بتصحى ولا ايه؟

النوع الثاني من الايات اللي مهم جدا نحدد زمن حدوث الايات فيه؟ حد يقدر يقول؟ زمن حدوث الآيات؟ جميل جدا بس عمميا بقايا اخت دي تحت عنوان كبير جدا في القرآن زي حادثه الإفك وغيره كل دا تحت عنوان كبير اسمه ايه؟ القصص القرآني احنا استقرينا ان فهم آيات القران بمعزل عن زمن نزول الآيات والواقع اللي نزلت فيه الآية دا غلط سواء ايات أحكام او غيرها. وفي نوعين من الآيات مهم جدا نحدد زمن نزولهم امتي قلنا آيات يوم القيامة والآخرة والحاجه الثانيه قصص القرآن

فقلنا ان قصص القران فيها حاجه اسمها زمن النزول وحاجه اسمها زمن الحدوث , يعني انتوا لخصتوا دا في كلمتين حاجه اسمها زمن النزول وحاجه اسمها زمن الحدوث

زمن النزول: ان آيات الأحكام لازم اعرف زمن نزولها امتي؟ في مكه , ف المدينه, وبرده النوازل زي آيات السيرة النبوية في القرآن وآيات الغزوات في القرآن لازم احفظ زمن النزول نزلت امتي؟

انا هنا بتكلم عن كلمه تانيه اسمها زمن الحدوث , هيا حصلت امتي؟ الكلام دا حصل امتي بيبقي في آيات لازم اعرف هيا حصلت امتي , آيات الآخرة دي امتي؟ في البعث ولا والقيامة بتقوم؟ الحاجه الثانيه

قصص القران زي مثلا (**وَإِذْ أُوحِيَتْ إِلَى الْحَوَارِيِّينَ أَنْ آمِنُوا بِي وَبِرَسُولِي قَالُوا آمَنَّا وَاشْهَدْ بِأَنَّا**

مُسْلِمُونَ) المائدة: 111 حصلت امتي مش نزلت امتي, يعني الحواريين وهما بيكلموا سيدنا عيسي دا كان امتي؟

دا كان وقع في سورة مريم لما جيت في تدبرات سورة مريم أيام درس الجمعيه الشرعيه كنت بتكلم ان دا سنة صفر ميلاديا يعني نشوف الاول الواقع اللي حدثت فيه الأحداث بتاعة القصة علشان اقدر أفهم القصة من غير ما انعزل عن الواقع اللي نزلت فيه , بيبقي دا اسمه زمن الحدوث.

اسراء هنا بقا وهيا بتتكلم في (وَإِذَا الْوُحُوشُ حُشِرَتْ) كانت بتتكلم في ان دا بيحصل عند اضطراب فناء العالم يبقي هنا هيا حددت إن دا مش يوم القيامة , ان الوحوش حشرت مش دا الحدث اللي بيحصل في البعث امال ايه؟ دا اللي بيحصل ساعة ما الناس تموت , بدأت تتكلم إن أول ست آيات بتحصل في الدنيا وساعة نهاية العالم والست آيات اللي بعدهم بتحصل في البعث ودا قول طبعا ممكن يبقي فيه نظر ال12 آية بتحصل امتي؟ في ناس قالت إنهم فعلا بيحصلوا في بداية البعث وإن دا من مشاهد الهلع يوم القيامة يبقي كدا احنا أخذنا في مادة العظيمنتان في السنه اللي فاتت ان تحديد مرحلة الآيات الأخروية الأول لفهمها, يبقي أحدد المرحلة الأول عشان افهمها فدي حاجه مهمه عشان كدا دا يترتب عليه فهم عميق , الآيات هيا دي كلها كدا في البعث يوم القيامة؟ ولا في نهاية الدنيا؟

انا بالنسبالي ان دي كلها في البعث يوم القيامة والترابط اللي بين الآيات هو الرعب اللي بيحصل يوم القيامة وحشر الوحوش يوم القيامة , اذا كانت الوحوش بتترعب من الموقف يوم القيامة فما بالك بالإنسان؟ ورعبها برغم افتراقها الرهيب مشغوله في رعبها فما بالك بالإنسان . أما اللي هيقول غير كدا هيمشي علي تأويل تاني , يقولك ان الوحوش حشرت نتيجة رعب بيحصل في أهوال القيامة ساعة نهاية الدنيا بيخلي الوحوش تتجمع مع بعضها (وَإِذَا النُّفُوسُ زُوِّجَتْ) هنا بقا قالت تزوج الأرواح بالأجساد يبقي دا لحظة البعث لما الروح ترجع للجسد يبقي كدا هنمشي علي البعث

خدوا بالكوا ياجماعة ان أقوال المفسرين بيخليكوا تفهموا كل قول معناه ايه؟ يبقي لما حد يقولك ان الوحوش حشرت دا عند اقتراب فناء العالم يبقي المعني هنا بيقولك ان دا عند نهاية العالم ولما يقول اذا النفوس زوجت أي تزوج الارواح بالأجساد يبقي معناها لحظة البعث يبقي كدا ببيزينا عمق أننا نتصور لحظة البعث لما الأجساد بتتجمع وبعد كدا تزوج الأرواح في الأجساد واخذين بالكوا معايا ,يبقي كدا كل قول يقودك الي معني , يبقي لازم تاخذ بالك من المعني اللي انت هتختاره ولازم تبقي فاهمه كويس جدا

طيب (وَإِذَا النُّفُوسُ زُوِّجَتْ) لو خدناه بمعني تزويج الأرواح بالأجساد يبقي كدا معناه لحظة البعث طيب لو خدناه بمعني ان الزاني يجي مع الزاني والداعي الي الله مع الداعي الي الله وقوام الليل مع قوام الليل يبقي دا كدا لحظة الحشر مش لحظة البعث لأن الحشر هوا اللي بيحصل فيه التزويج المبدئي وبيجي كل الطاعين مع بعض وكل العصاه مع بعض فهمتوا الفرق؟؟

يبقي المعني اللي هتختاره هيقودك إلي القصد لأن كل معني بيختلف عن المعني التاني فأنا عشان كدا بقولكوا اعرفوا انتوا بتختاروا بناء علي ايه؟ القول اللي انا اختارته معناه ان الآية دي بتحصل في البعث والقول معناه ان الآية بتحصل في الحشر والقول دا لو اختارته يبقي معناه ان الايه دي بتحصل في الدنيا يعني لسه اصلا ولا بعث ولا حشر دا لسه ف الدنيا ونهاية الدنيا يبقي المقاصد والاسقاطات هتبقي علي حسب المعني اللي انت اختارته , تاخدوا بالكم ممكن في الاخر تختار المعاني كلها وتقول ده تنوع مش تضاد فمعظم أقوال المفسرين إختلاف تنوع وتكامل وليس إختلاف تضاد فأنتي ممكن تختاري الأقوال كلها بس تبقى فاهمه كل قول لازم ايه يبقي واحنا بنختار هناخد قاعده في المعاني اللي هي 1- ذكر زمن الحدوث , 2- والقاعده الثانيه : ان كل قول يجب نفهمه جيدا عشان نحقق اللازم بتاعه لما نيجي نستخرج منه مقاصد , 3- والقاعده الثالثه : اللي هي تعدد أقوال المفسرين في المعاني ليس تضاد ولكن تعدد تنوع وتكامل فبناء على كده انت ممكن تستفيدى من كل المعاني , 4- القاعده الرابعه : انه ممكن يبقي فيه إختلاف تضاد ولكن ده ههيقودنا لعلم كبير اسمه علم الترجيح بين أقوال المفسرين وده علم مالناش دعوه بيه دلوقتي خالص ده بقى بعد التفسير التحليلي نبقي ناخده بعد كده مالكوش دعوه بيه

اعرفوا بس التلات قواعد اللي انا قولتها لكم يبقي كده دي قواعد وانتم تختارون المعاني

(وَإِذَا الْمَوْؤُودَةُ سُئِلَتْ * بِأَيِّ ذَنْبٍ قُتِلَتْ) دي في اي مرحله من مراحل يوم القيامة؟ حد يقولى منكم كده ؟ لا يا مريم احنا قولنا يوم القيامة يا محمد ماهو الحساب ماهو كله حساب !! يعني ايه عند السؤال؟؟

طب التدبريات الخاصة ايوه اللي عايش مع معنى بيؤثر على فهمه والاسقاط على قدر المعاشيه يعنى ايه بردو ؟ يعنى مثلا الاخوان المسلمين دايمًا لما تقرى كتبهم فى القرآن والسنة تلاقى استنباطات حركية لان هما مهتمين بالواقع , السلفيين لما تسمعوا حاجات كتير ليهم تلاقهم دايمًا اسقاطهم قلبيه لأنهم مهتمين بالمعاني الايمانية والقلبية , بعض المفسرين تلاقى اسقاطاتهم دايمًا على الفرق الضالّه وهذا يثبت ان المعتزله على ضلال لان الله قال كذا !! وهذا يثبت ان الشيعه على ضلال لانهم مهتمين جدا بتجريد العقيدة من الضلالات , التبليغ والدعوه اللي خرج معاهم بيلاقى دايمًا اسقاطات من القرآن اسقاطات دعويه ليه ؟؟ لان هما عايشين قضيه الدعوه يبقى اذا كل واحد وكل واحد منكم اسقاطاته وتدبراته على قدر المعاشيه طب هيجى واحد يقولى ايه انا مش عارف اعمل اسقاطات فى الايه !!! لانك لسه مش عايش !!

يبقى اذا يا جماعه فهم القرآن قايم على نصفين

1- نصف قائم على مزاكره التفاسير ومزاكره كتب اللغه و كده , 2- النصف الاخر قائم على المعاشيه

من غير معاشيه لقضايا القرآن مش هتعرف تستخرج اسقاطات على الواقع زى ماهو واضح كده فى كلام اسراء هتلاقى اسقاطات كلها ايه ؟؟ اسقاطات كلها على خطاب هذه الفرق الضالّه والرد عليها يبقى اللي عايز قضيه الدعوه هيلاقى اسقاطات دعويه واللى عايز قضيه القلوب وإصلاح القلوب هيلاقى اسقاطات كلها تعبدية وإيمانيه, اللي عايش قضيه الشريعه ونصره الشريعه هيلاقى اسقاطات كلها عن إعجاز الشريعه ونصره الشريعه فهتم يا جماعه؟ يبقى فهمكم لإسقاط القرآن على قدر معاشيتكم لقضايا القرآن فى الواقع . معنى ذلك هل يناسب الاسقاط مع التفسير العلمى للقرآن وعلوم القرآن ؟؟ يعنى ايه يا اسماء مش فاهم ؟؟ ما هو يا بنتى فيه حاجه اسمها معنى الآية وفيه حاجه اسمها تحقيق معنى الآية وتحقيق معنى الآية لازم يكون منضبط تفسير الآية ب الآية وتفسير الآية بالحديث وأقوال العلماء وأثار عن السلف وتفسير الآية باللغه , كل ده كلام ازاي أوصل للمعنى لأن أنا لو ما فهمتش المعنى ولو ما حققتش المعنى صح كل الاسقاطات بعد كده هتبقى غلط فلان يبقى المعنى فى الاول سليم واخدين بالكم معايا . انا باطول هنا التطويل مش لمناقشه بحث معين هتلاقوا بعد كده باخد الكلام بسرعه لانه الهدف ان انا دلوقتى بأصل قواعد عارفين زى المفسرين كده فى سوره الفاتحه يقعد فى الاول كده كذا صفحه وبعدين يفسرها فى 3 سطور ليه ؟؟ لانه فى الاول بيأصل الكلام واخدين بالكم يا جماعه فهتلاقوا اول درس بيطول علشان تأصيل القواعد وإزاي تتعاملوا مع التفاسير

يبقى اذا يا جماعه فيه حاجه اسمها علوم المعانى وفيه حاجه اسمها علوم المقاصد . احنا عايزين ايه ؟؟ احنا عايزين المقاصد عايزين الاسقاط على الواقع عايزين الروشيات اللي هتحل لى مشاكل حياتى عايز استخرج من القرآن روشيات تنور لى طريقي لكن عمري ما هعرف استخرج من صندوق الكنز الا لو فتحت القفل اللي هو ايه ؟؟ المعنى !!

الآية دى بتتكلم عن ايه لان الآية دى ممكن تتكلم عن الدنيا وممكن تتكلم عن الآخره ازاي ما تتكلفش فى فهم المعنى عشان كه قولتكم لازم تقرؤوا التفاسير وتخرجوا منها المعنى وتخرجوا منها المقاصد واخدين بالكم معايا يبقى دى نقطه يا اخت اسماء ان علوم القرآن بتكلمك عن المعنى وضوابط المعنى وبردو بتكلمك عن ضوابط الاستنباط ولكن دي لسه هتاخدها مش دلوقتى فكل واحد انا باكلمك هنا عن تدبريات انتى عايزه تستخرجى من الآيات تدبريات ؟؟ تدبرياتك على قدر ثراء معاشيتك لو انتى نزلت فى الجولات واشتغلتى فى الجولات مثلا او اشتغلتى مع اخت ليكى فى دعوة فرديه هتلاقى نفسك بتستخرجى من كل سورة معنى دعوى !! ليه ؟؟؟ لأنك مشغوله بالمشاكل دي عندك قفل بتدورى له على مفتاح واخده بالك ؟!

زى ما ام خديجه بتقول كده ان كتب التفاسير بنفهم منها المعانى وبنفهم منها المقاصد انا باكلمكم دلوقتى ازاي تخرجوا منها المعانى حقيقي المعنى الأول لأنه من غير ما تحققي المعنى مش هتعرفى تفرعى عليه

عشان كد لازم تفهمي المعنى والمفسرين قالوا ايه؟؟ يبقى المعنى ده اختباره ايه وانت حققتي فيه بعد كده علشان تخرجي المقاصد على اد ثروتك الواقعية يعني انا هاقولكم كلام بقى افهموني دلوقتي القرآن بيديكي مفاتيح والواقع بيديكي أقفال! يعني نزلتي مثلا كلمتي واحده . يعني يا أخت أمينة ما انا بأقولكم ايه الاسقاطات ممكن تبقى غلط طبعاً او مال بأقولك انت ذاكرتي تفاسير واخذتي علوم قرآن ومعاني د محمد عبد الرحمن في السيكشن هيفهمك ازاي تستخرجي من التفاسير وانا معاكى الاستنباطات بتاعتك انا بناقشك فيها كل دي صمامات أمان بإذن الله علشان في الآخر تعرفي تختاري صح وتسقطي صح في الآخر هو هدفك كله ايه من خلال التفاسير؟؟ ازاي تعملي حاجتين او ازاي تستخرجي مهارتين :

1- ازاي تحققي معنى صح , 2- مهاره إسقاط الآية على الواقع صح

هما دول الحاجتين اللي المادة كلها عليهم واللى قاعدين مع بعض دلوقتي بنحاول نوصل ليهم . فيه مهارتين عاوزكم توصلوا ليهم ركزوا في الكلام ده انتوا زي ما جيبتوا لى ملخص درس التفسير الاول هتجيبولي ملخص الدرس ده دلوقتي ازاي تحققي المعنى صح ازاي تتحددي حتى لو جبتيلى معنين تلاته انا فهمت المعنى ده انا فهمت الايه دي في مرحله البعث مثلا ودي معناها كذا وخلص ازاي تسقطي على الواقع صح وازاي تستخرجي روشته للواقع او ازاي تستخرجي اسقاط على الواقع وحل لمشاكلنا الحيه في هذا الواقع واخذين بالكم معايا؟! لا مفيش فرق بين التدبر واستنباط المقاصد بصى يا اخت سليل مفيش فرق بين قضيه التدبر واستنباط المقاصد انا هنا في الكتب بأشوف المعاني دي ما فيش فيها تشغيل دماغ دي , بأقرأ التفاسير وباختار معنى منها المفسر اللي جاب دليل على معناه المفسر اللي حديث على معناه بيني انا باختار المعنى وبارجح المعنى بناء على ايه؟؟ ركزوا معايا جدا انا باختار المعنى بناء على المعنى اللي اقتنى فيه مفسر جاب لى دليل من القرعان على معناه , تفسير القرعان بالقرعان وفيه مفسر جاب لى دليل من السنه من السنه على معناه , تفسير القرعان بالسنة ومفسر جاب لى دليل من اللغة على معناه وفيه مفسر جاب لى دليل من اقوال السلف على معناه يبقى اذا انا باشوف المفسر اللي اقتنى بالمعنى . طب وباقي المعاني؟؟ باقي المعاني سليمة ما انا دلوقتي باخد اقوال المفسرين واخذين بالكم على مرحلتكم احنا قلنا ان المعاني هنا بتتكامل وقلنا احنا عايزين هنا الاسقاطات والتدبريات! انا هاستخرج من الايات دي ايه؟؟ بناء على اقناع المفسر بالمعنى المفسر جاب معاني شكلها ايه؟! ايوه اختيار المعنى بشكل صحيح وكيفية الاسقاط على الواقع بشكل سليم روشته لمشكله من المشاكل في الواقع . طب حاضر يا شيخ احمد ربنا يحفظك ويبارك فيك يبقى المقصد من هنا يا جماعه ان على حسب الواقع بيديكي اقفال انت بتكلمي واحده مثلا وعايزه تأثرى عليها وفيه ازمان في الواقع فيه تفرق ما بين الدعاه فيه تفرق ما بين الجماعات الإسلامية فيه مشاكل اقفال جيتي تتعامل مع القرعان لقيتي حلول حلول انتي مش هتفهمي قيمه المفتاح الا لو لقيتي القفل يبقى النص مفاتيح لاقفال ومشكلات الواقع هتفهمي ازاي حلول المشكله لو انتي مافهمتيش المشكله اصلا ففهمك واسقاطاتك واستنباطاتك من كلام المفسرين اللي بيحل مشاكل الواقع والتقاطك لكلام المفسرين الخطير زي ما اتفقنا هنا فهمكم لكلام المفسرين يعني ممكن التحرير والتنوير استخرج منه ٢٠٠ مشكله في الواقع ليه؟؟ لان انا اشتغلت في الدعوه ومع العلمانيين وفي توحيد الواقع الاسلامي فادلوقتي الواحد عنده مشاكل كتير فيقول اه دلوقتي الكلمه اللي قالها ابن عاشور وبتحل مشاكل كذا والكلمه اللي ذكرها ابن الجوزي في زاد المسير بتحل مشكله كذا وقول السلف اللي ذكره الامام الطبري او ابن الجوزي هنا هو الى هيجل المشكله دي! يا نهار ابيض دا القول ده قبله لما هاجى لفرق العمل زي لما قال (وَمَنْ

أَحْيَاهَا فَكَأَنَّمَا أَحْيَا النَّاسَ جَمِيعًا) المائدة: 32

قال من أعان أحدا من أهل العلم اه يعني فيه ناس عندها علم بس مش عارفه تنشره فيجي ناس تساعدهم اسمها فرق عمل يقولولهم احنا هنساعدكم ان احنا ننشره نترجمه نعمله بوستات نفرغه ان احنا ده يبقى

بيدخل في تجربه فرق العمل طب هو أنا لو ما خضتت تجربه فرق العمل هافهم اسقاط ازاي؟؟يبقى اقوال المفسرين نفسها مش هتدركوها الا لما تكونوا في فرق عمل زي قول مجاهد (**وَلَا تَمَنَّ تَسْتَكْتِرُ**) المدثر:6 غير لما تعيش في الواقع وتعملى جوله وتلاقى نفسك تعبانه اولو اشتغلتي شويه في المزاكره وبعد كده مش قادره الواقع بقى مليون مهام هتفمى ساعتها يعنى ايه (**وَلَا تَمَنَّ تَسْتَكْتِرُ**) يعنى او عي تضعفى كملي وواصلى لما تيجي تشتغلي في الدعوة تلاقى ايمانك بدأ يتحرق وعباداتك بدأت تقع هتفهمى ساعتها يعنى ايه (**فَإِذَا فَرَغْتَ فَانصَبْ**) الشرح:7 شوية دعوة وشوية عباده وشحن وبعدين شويه نزول للواقع وبعد كده شويه عباده وشحن تانى هتفهمى ساعتها ليه مريم جت بعد الكهف لان الكهف كلها حركه ومريم كلها عباده يبقى لازم الواحد فعلا ما يحرقش نفسه مش شغل شغل لحد ما يتحرق شويه شغل وشويه عباده شويه حركه وشويه عباده في واحه المحراب فهمتوا معايا يا جماعة يبقى انتوا على اد ما هتعايشوا على اد ما هتشتغلوا في العبادة والايمايات والدعوه على اد ما هتشتغلي في اصلاح نفسك وفي الدعوة الى الله وهتعايشى الواقع الاسلامي بهومومه ومشاكله هموم توحيد الصف الاسلامي هموم حرب العلمانيين على الاسلام على اد ما هتبقى عايشه الواقع على اد ما هتبقى انسانه تقدرى تستفيدى من كلام المفسرين وتستخرجى من اقوال المفسرين كنوز !! طب واللى مش عايش في الكلام ده؟؟ مش هيفهم

زي بالضبط كده قول الله (**وَصَدَقَ بِالْحُسْنَى * فَسَيُسْرُهُ لِيُسْرَى**) الأعلى 7:6 وصدق بالحسنى اى صدق ان الاعمال الصالحه, اى جاء يقينه على الاعمال الصالحه , انك ممكن يعدى عليك نص ساعه في اقوال المفسرين لايه !! انما لو انت شايف الناس كلها يقينها في الشهادات والاسباب وانت يقينك في الركعتين اللى هتقفى تتوسلى بهم بين ايدين ربنا وتقولى يارب ساعدنى ساعتها هتفهمى يعنى ايه (**وَصَدَقَ بِالْحُسْنَى**) بيقعلى اد معايشتك للواقع على اد معايشتك لقضايا القراء ان على اد فهمك لكنوز اقوال المفسرين

في الايه قاعده خطيره خدوها في الاخر ان فهمك للكنوز اللى في اقوال المفسرين في الايه على قدر معايشتك لواقع القرآن اللى هو الواقع واقع الصلاح والإصلاح واقع الاهتمام باصلاح القلب وإصلاح وتزكيه النفس والاهتمام بالدعوه الى الله لتغيير الواقع انا طولت عليكم جدا جزاكم الله خيرا وعايز الى بيكتبوا الكلام ده يكونوا مركزين جدا جدا وانا هراجعه ان شاءالله عشان يبقى قواعد لنا باذن الله وجزاكم الله خيرا